



## ՋԻՆԻՇՅԱՆ ՀԻՇԱՏԱԿԻ ՀԻՄՆԱԴՐԱՄ

### ՎԱՐԴԵՆԻՍԻ ԶԱՐԳԱՑՄԱՆ ՆԱԽԱՁԵՌՆՈՒԹՅՈՒՆ ԾՐԱԳԻՐ

#### Համայնքային զարգացման դրամաշնորհային ծրագրերի մրցույթի հայտարարություն

«Ջինիշյան» հիշատակի հիմնադրամը (ԶՀՀ) իր **Համայնքային զարգացման ծրագրի** շրջանակներում իրականացնում է «**Վարդենիսի զարգացման նախաձեռնություն**» ենթածրագիրը (ՎԶՆ ծրագիր):

Ելնելով Վարդենիսի տարածաշրջանի համայնքների զարգացմանն ուղղված իր ռազմավարական նպատակներից՝ «Ջինիշյան» հիշատակի հիմնադրամը համայնքների ներհամայնքային քաղաքացիական նախաձեռնությունները խթանելու նպատակով ՎԶՆ ծրագրի շրջանակներում հայտարարում է Դրամաշնորհային ծրագրերի մրցույթ Վարդենիսի **Ազատ, Ախպրածոր, Այրք, Ավազան, Արեգունի, Արփունք, Գեղամաբակ Գեղամասար, Գեղաքար, Դարանակ, Լճավան, Լուսակունք, Խաչաղբյուր, Կախակն, Կութ, Կուրական, Մաքենիս, Նորաբակ, Նորակերպ, Շափջրեք, Շափվան, Ջաղացածոր, Վանևան, Տորֆավան, Տրեյուրք, Փամբակ, Փոքր Մասրիկ** գյուղական համայնքների համար:

#### Դրամաշնորհային ծրագրերի նկարագրությունը

ՎԶՆ ծրագրի նպատակն է հնարավորություն տալ Վարդենիսի տարածաշրջանի համայնքներին գտնելու կայուն և կենսունակ լուծումներ ներհամայնքային սոցիալ-տնտեսական խնդիրներին՝ համախմբելով առկա արտաքին և ներքին մարդկային և ֆինանսական ռեսուրսները:

Այդ լուծումներին հասնելու համար ծրագիրը ենթադրում է.

- խթանել փոխվստահության մթնոլորտը համայնքներում, մոբիլիզացնել համայնքների ներքին և արտաքին ռեսուրսները և ուղղել դրանք համայնքային կոնկրետ խնդիրների լուծմանը,
- օժանդակել տարածաշրջանի զարգացմամբ հետաքրքրված պետական և ոչ պետական հաստատությունների և անհատների ներուժի միավորմանը՝ ուղղելով այն դեպի համայնքային խնդիրների կոնկրետ լուծումներին կամ այդ խնդիրների լուծմանն ուղղված արդյունավետ մեխանիզմների ներդրմանը:

#### Դրամաշնորհի նախապատվությունները

- Մշակութային և հոգևոր զարգացում.
  - ✓ մշակութային կրթության կազմակերպմամբ,

- ✓ ներհամայնքային մշակութային դաստիարակչություն ստանալու պայմանների և հնարավորությունների ավելացմամբ,
- ✓ միջոցառումների, ազգային ծեսերի և փառատոնների իրականացմամբ,
- ✓ այլ:
- Համայնքային առաջնային կարևորության հիմնախնդիրների լուծում՝ երիտասարդական նախաձեռնողականության խթանման միջոցով:
- Կանանց, երիտասարդների և բնակչության խոցելի խմբերի կարողությունների խթանում համապատասխան պայմանների ներդրմամբ և հետևողական զարգացմամբ:
- Ենթակառուցվածքների բարենորոգում, համայնքային ծառայությունների որակի բարելավում՝ նորարարական մոտեցումների և լուծումների միջոցով:
- Համայնքի սոցիալական որևէ շերտի/ շերտերի շահերի պաշտպանություն,
- Բնապահպանական խնդիրներին ուղղված՝
  - ✓ այլընտրանքային էներգակիրների կիրառում;
  - ✓ կլիմատիկ փոփոխությունների նկատմամբ գյուղական համայնքների հարմարվողականության և դիմակայունության ներուժի զարգացում,
  - ✓ այլ:
- Համայնքների բնակչության արտահոսքի կանխարգելում՝
  - ✓ կենցաղային պայմանների բարելավման խթանում,
  - ✓ հասարակական շփումների պայմանների ու ներհամայնքային միջավայրի բարելավման խթանում:

**Սույն մրցույթի շրջանակներում հիմնական/միջնակարգ կրթության պայմանների բարելավմանն ուղղված ծրագրերը չեն համարվում առաջնահերթային, սակայն, դրանց ֆինանսավորումը նույնպես չի բացառվում:**

**Դրամաշնորհ ՁԻ ՏՐԱՄԱԴՐՎՈՒՄ հետևյալ ուղղվածության ծրագրերին.**

- մարդասիրական անմիջական օգնություններ,
- պարտադիր պետական կրթական (հանրակրթական և բարձրագույն) ծրագրերի/դասընթացների իրականացում,
- բժշկական զննումներ, անհատական բուժումներ և հիմնական հետազոտական աշխատանքներ,
- կրթաթոշակներ և անհատական ուսման վարձեր,
- առևտրային կազմակերպությունների ընթացիկ գործունեության (կամ գործունեությանն ուղղված) աջակցում, ինչպես նաև այդ գործունեություններին նպաստող սարքավորումների ձեռքբերում,
- գիտական/հետազոտական աշխատանքներ,
- արտասահմանյան գործուղումների, Հայաստանից դուրս կազմակերպվող զարգացման միջոցառումների, փորձի փոխանակումների մասնակցելու ծախսեր:

**Դրամաշնորհի չափը**

Յուրաքանչյուր համայնքի համար նախատեսված դրամաշնորհի առավելագույն չափը 2,700,000 (երկու միլիոն յոթ հարյուր հազար) ՀՀ դրամ է: Կտրամադրվի 5-7 դրամաշնորհ:

**Համայնքային զարգացման նախագիծ-առաջարկ՝ (Ծրագիր) կարող են ներկայացնել վերը հիշատակված համայնքների Համայնքային ակտիվ խմբերի (ՀԱԽ-ի) կողմից, կամ**

Վարդենիսի տարածաշրջանում գործող և գյուղական համայնքների զարգացմամբ հետաքրքրված որևէ հասարակական կազմակերպության և/կամ հիմնադրամի կողմից:

**Ներկայացնող նախագիծ-առաջարկը (Ծրագիրը) պետք է բավարարի հետևյալ պայմաններին.**

- Համայնքային ակտիվ խումբը (ՀԱԽ) պետք է ակտիվ համագործակցի համայնքի տեղական ինքնակառավարման մարմինների (համայնքապետարան և ավագանիներ, այսուհետև՝ ՏԻՄ) հետ հայեցակարգերի մշակման բոլոր փուլերի ընթացքում, ընդհուպ մինչև ամբողջական Ծրագրի ներկայացման և իրականացման շրջաններում:
- Համայնքը պետք է ունենա իր նախագիծ-առաջարկով՝ Ծրագրով ստեղծվելիք արժեքների պահպանման պլան:
- Նախագիծ-առաջարկը պետք է ներկայացվի համայնքի ընդհանուր ժողովին և հաստատում ստանա համայնքից և ՏԻՄ-ից, որտեղ և կհաստատվի ծրագրի ղեկավար անձը:
- Նախագիծ-առաջարկը, որը հետագայում կվերածվի ծրագրի, պետք է ընտրված լինի համայնքային մասնակցությամբ և ապահովի ամբողջ համայնքի կամ նրա մեծամասնության ներդրումները:
- Նախագիծ-առաջարկի՝ Ծրագրի շուրջ կատարվող գործընթացները պետք է թափանցիկ և հասանելի լինեն համայնքի բնակչության համար:
- ՀԱԽ-ի կողմից ներկայացված նախագիծ-առաջարկը պետք է ենթադրի նաև համայնքի կողմից համաներդրման/համաֆինանսավորման բաղադրիչ:
- Շահառու համայնքը ծրագրի իրականացման համար պետք է ներդրում կատարի (ՏԻՄ հաստատումով) ոչ պակաս, քան ակնկալվող դրամաշնորհի գումարի 30%-ի չափով, որի ոչ պակաս քան՝
  - 10%-ը պետք է լինի ֆինանսական ներդրում, իսկ մնացած
  - 20 %-ը կարող է լինել բնափրային և/կամ աշխատուժով:

**Ներկայացված նախագիծ-առաջարկի՝ ծրագրի իրականացման վերջնաժամկետ է սահմանվում 2019 թ. հուլիսի 25-ը:**

**Նախագիծ-առաջարկների ներկայացման կարգը և հաստատումը**

Նախագիծ-առաջարկությունների փաթեթները կընդունվեն են մինչև 2019 թ. ապրիլի 15-ը:

Նախագիծ-առաջարկության ՏՊԱԳԻՐ ՕՐԻՆԱԿԸ պետք է ներկայացվի «Զինիշյան» հիշատակի հիմնադրամի գրասենյակ՝ ստորագրված և կնքված կազմակերպության իրավասու ներկայացուցչի կողմից: Տպագիր օրինակից բացի պետք է ներկայացվի նաև նախագիծ-առաջարկության էլեկտրոնային տարբերակը որևէ էլեկտրոնային կրիչով (խտասկավառակ կամ ֆլեշ քարտ):

Այս մրցույթի ընթացքում ստացված բոլոր նախագիծ-առաջարկները կքննարկվեն և կհաստատվեն ԶՀՀ-ի տարածաշրջանի զարգացմամբ հետաքրքրված այլ հասարակական կազմակերպությունների ներկայացուցիչներից ստեղծված հանձնախմբի կողմից:

- Դրամաշնորհի մրցույթին մասնակցելու փաթեթ (հայտարարություն և ուղեցույց) ստանալու համար դիմել «Ջինիշյան» հիշատակի հիմնադրամի գրասենյակ յուրաքանչյուր աշխատանքային օր (երկուշաբթի-ուրբաթ), ժամը 10.00-ից 17.00-ն:
- Խորհրդատվություն կարելի է ստանալ ցանկացած աշխատանքային օր՝ ըստ նախապես ձեռք բերված պայմանավորվածության: Խորհրդատվության համար դիմել «Ջինիշյան» հիշատակի հիմնադրամի համայնքային զարգացման ծրագրի համակարգող Գևորգ Աբոյանին՝ հետևյալ հասցեով.

Ք. Երևան 0009, Աբովյան 34, բն 5  
Հեռ. (010) 54 44 17, 54 44 18, 52 58 09  
Բջջ. (077) 54 44 18, (099) 54 47 18  
Էլ-փոստ. [gevorga@jinishian.am](mailto:gevorga@jinishian.am)